

**KONTRATË PËR HARTIMIN E AKTIT TË THEMELIMIT TË
SHOQËRISË ME PËRGJEGJËSI TË KUFIZUAR
"BLAC ENERGY" SH.P.K.**

Sot, më datë 23.04.2015 (dy mijë e pesëmbëdhjetë), palët e mëposhtme:

Shoqëria "Preng Bib Perkeqi" SHPK, person juridik shqiptar, regjistruar më datë 17/08/2012 prane QKR-së, me NIPT- L29506001P, me seli ne adresen: Rreshen, P. Nr 7shk,1 kt 2, ap. 2, perfaqesuar nga administrator i saj Z. Perparim Perkeqi, shtetas shqiptar, lindur me 14/06/1969 ne Kurbnesh, Mirdite, banues ne Rreshen, mbajtes i pasaportes me numer personal G90614027M dhe nr pasaporte BA9625630, madhor, me zotesi te plote juridike per te vepruar,

Shoqëria " Malvini" SHPK, person juridik shqiptar, regjistruar më datë 24/02/1996 prane QKR-së, me NIPT- J67902530C, me seli ne adresen: lagjen Xhenjos, Lezhe, perfaqesuar nga administrator i saj Z. Pashk Paloka, shtetas shqiptar, lindur me 17/04/1968 ne Gjash, Lezhe, banues ne Lezhe, mbajtes i kartes se identitetit me Nr. G80417079C, madhor, me zotesi te plote juridike per te vepruar,

kanë vendosur të nënshkruajnë këtë Akt Themelimi të shoqërisë me përgjegjësi të kufizuar **"BLAC ENERGY" SH.P.K**, aktiviteti i së cilës rregullohet nga ky Akt Themelimi, Statuti dhe legjisllacioni shqiptar në fuqi.

**NENI 1
ORTAKËT THEMELUES**

1.1 Shoqëria me përgjegjësi të kufizuar krijohet nga ortakët e mëposhtëm:

Shoqëria "Preng Bib Perkeqi" SHPK, person juridik shqiptar, regjistruar më datë 17/08/2012 prane QKR-së, me NIPT- L29506001P, me seli ne adresën: Rreshen, ZK 3224 nr pasurisë 2/117, perfaqesuar nga administrator i saj Z. Perparim Perkeqi, shtetas shqiptar, lindur me 14/06/1969 ne Kurbnesh, Mirdite, banues ne Rreshen, mbajtes i pasaportes me numer personal G90614027M dhe nr pasaporte BA9625630, madhor, me zotesi te plote juridike per te vepruar,

Shoqëria " Malvini" SHPK, person juridik shqiptar, regjistruar më datë 24/02/1996 prane QKR-së, me NIPT- J67902530C, me seli ne adresen: lagjen Xhenjos, Lezhe, perfaqesuar nga administrator i saj Z. Pashk Paloka, shtetas shqiptar, lindur me 17/04/1968 ne Gjash, Lezhe, banues ne Lezhe, mbajtes i kartes se identitetit me Nr. G80417079C, madhor, me zotesi te plote juridike per te vepruar,



NENI 2
BAZA LIGJORE

- 2.1 Shoqëria themelohet në bazë të ligjit 125/2013 “Per KONCESIONET DHE PARTNERITETIN PUBLIK PRIVAT”, dhe akteve ligjore te dala ne zbatim te tij, si dhe njoftimit te fituesit ne proceduren konkuruese me Nr. Ref-74313-12-04-2014 “Per dhenien me koncesion te hidrocentralit Blac”, te zhvilluar nga Ministria e Energjise dhe Industrise në cilësinë e Autoritetit Kontraktues.
- 2.2 Shoqëria do të ushtrojë veprimtarinë e saj në bazë të Ligjit Nr. 9901, datë 14.04.2008 “Për Tregtarët dhe Shoqëritë Tregtare”, si dhe të Ligjit Nr. 9723, datë 03.05.2007 “Për Qendrën Kombëtare të Regjistrimit”.
- 2.3 Kjo shoqëri fiton zotësinë për të vepruar me regjistrimin e saj në regjistrin tregtar pranë Qendrës Kombëtare të Regjistrimit.

NENI 3
EMËRTIMI

- 3.1 Emërtimi i shoqërisë me përgjegjësi të kufizuar është **“BLAC ENERGY” SH.P.K.**

NENI 4
SELIA

- 4.1 Selia e shoqërisë ndodhet në adresën: **Lagja nr 1, Pallati nr 4, kt 1, ZK 3224 nr pasurisë 2/117, Rrëshen**

NENI 5
OBJEKTI

- 5.1 Objekti i aktivitetit të kësaj shoqërie është:

Financimi, projektimi, ndertimi, venia ne pune, administrimi, mirembajtja e hidrocentralit Blac, dhe transferimi i tij nga Koncesionari tek Autoriteti Kontraktues ne perfundim te afatit te Kontrates se Koncesionit

NENI 6
KOHËZGJATJA

- 6.1 Shoqëria ka një kohëzgjatje prej 35 (tridhjetë e pesë) vjetësh. Ajo mund të përfundojë veprimtarinë përpara këtij afati në rastet e prishjes, falimentimit ose të likuidimit të shoqërisë të parashikuara këto në legjislacionin tregtar shqiptar në fuqi.

NENI 7
KAPITALI THEMELTAR

- 7.1 Kapitali themeltar i shoqërisë është 100,000 (njqind mijë) Lekë. Çdo kuotë njësi jep të drejtën e një vote. Kapitali themeltar i shoqërisë nënshkruhet tërësisht dhe po ashtu është shlyer nga Ortakët.
- 7.2 Pjesët e kapitalit të shoqërisë zotërohen nga Ortakët, si më poshtë vijon:



- **Ortaku "Preng Bib Perkeqi" SHPK**, zotëron 1 kuote me vlere 98.000 (nentedhjetë e tete mije) leke qe perfaqeson 98% të kapitalit themeltar.
- **Ortaku "MALVINI" SHPK**, zotëron 1 (një) kuote me vlere 2000 (dy mije) leke qe perfaqeson 2% (dy përqind) të kapitalit themeltar.

NENI 8 ADMINISTRIMI

8.1 Me këtë akt emërohet Administrator i shoqërisë:

Z. Perparim Perkeqi, shtetas shqiptar, lindur me 14/06/1969 ne Kurbnesh, Mirdite, banues ne Rreshen, mbajtes i pasaportes me numer personal G90614027M dhe nr pasaporte BA9625630, madhor, me zotesi te plote juridike per te vepruar;


- 8.2 Administratori do të ushtrojë të gjitha kompetencat e administrimit, në përputhje me parashikimet e Statutit të shoqërisë dhe të ligjit Nr. 9901, datë 14.04.2008 "Për Tregtarët dhe Shoqëritë Tregtare".
- 8.3 Administratori emërohet për një periudhë 5 vjeçare, me të drejtë ripërtëritjeje.

NENI 9 DISPOZITA PËRFUNDIMTARE

- 9.1 Ky Akt Themelimi është hartuar në përputhje me ligjin Nr.9901, datë 14.04.2008 "Për Tregtarët dhe Shoqëritë Tregtare" ligjin 129/2014 për disa ndryshime dhe shtesa ne ligjin 9901 dt 14.04.2008 " Per Tregtarët dhe Kompanitë tregtare", si dhe me ligjin Nr. 9723, datë 03.05.2007 "Për Qendrën Kombëtare të Regjistrimit".
- 9.2 Çështjet që nuk trajtohen në këtë Akt Themelimi, rregullohen në Statut, si dhe në legjislacionin përkatës shqiptar.
- 9.3 Ky Akt Themelimi është hartuar në Tiranë, Shqipëri, në 5 (pesë) kopje origjinale në gjuhën shqipe, duke patur të gjitha fuqi të njëjtë ligjore.

ORTAKET

"PRENG BIB PERKEQI" SH.P.K.
Administrator
Perparim Përkeqi



Perparim Perkeqi
[Signature]

"MALVINI" SH.P.K.
Administratori
Pashk Paloka

PASHK PALOKA
[Signature]

STATUTI
I SHOQËRISË ME PËRGJEGJËSI TË KUFIZUAR
“BLAC ENERGY” SH.P.K

KAPITULLI I
EMËRTIMI, FORMA, OBJEKTI I VEPRIMTARISË, SELIA, KOHËZGJATJA

NENI 1
EMËRTIMI DHE FORMA E SHOQËRISË

- 1.1 Shoqëria “BLAC ENERGY” SH.P.K,** është e organizuar si shoqëri me përgjegjësi të kufizuar dhe përbëhet nga ortakët e mëposhtëm:

Shoqëria “Preng Bib Përkeqi” SHPK, person juridik shqiptar, regjistruar më datë 17/08/2012 pranë QKR-së, me NIPT- L29506001P, me seli ne adresën: Rrëshen, P.7 , shk,1 kt 2, ap. 2, përfaqësuar nga administrator i saj Z. Përparim Përkeqi, shtetas shqiptar, lindur me 14/06/1969 ne Kurbnesh, Mirdite, banues ne Rrëshen, mbajtës i pasaportës me numër personal G90614027M dhe nr pasaporte BA9625630, madhor, me zotësi te plote juridike për te vepruar,

Shoqëria “ Malvini” SHPK, person juridik shqiptar, regjistruar më datë 24/02/1996 pranë QKR-së, me NIPT- J67902530C, me seli ne adresën: lagjen Xhenjos, Lezhe, përfaqësuar nga administrator i saj Z. Pashk Paloka, shtetas shqiptar, lindur me 17/04/1968 ne Gjash, Lezhe, banues ne Lezhe, mbajtës i kartës se identitetit me Nr. G80417079C, madhor, me zotësi te plote juridike për te vepruar,

- 1.2** Emërtimi i shoqërisë me përgjegjësi të kufizuar është **“BLAC ENERGY” SH.P.K**

NENI 2
BAZA LIGJORE

- 2.1** Shoqëria themelohet në bazë të ligjit 125/2013 “Per KONCESIONET DHE PARTNERITETIN PUBLIK PRIVAT”, dhe akteve ligjore te dala ne zbatim te tij, si dhe njoftimit te fituesit ne proceduren konkurruese me Nr. Ref-74313-12-04-2014 “Per dhenien me koncesion te hidrocentralit Blac”, te zhvilluar nga Ministria e Energjise dhe Industrise në cilësinë e Autoritetit Kontraktues.



- 2.2 Shoqëria do të ushtrojë veprimtarinë e saj në përputhje me Ligjin Nr. 9901, datë 14.04.2008 “Për Tregtarët dhe Shoqëritë Tregtare”, Ligjin Nr. 9723, datë 03.05.2007 “Për Qendrën Kombëtare të Regjistrimit” si dhe të gjitha aktet ligjore dhe nënligjore që rregullojnë pozitën juridike të veprimtarisë private.
- 2.3 Kjo shoqëri fiton zotësinë për të vepruar me regjistrimin e saj në regjistrin tregtar pranë Qendrës Kombëtare të Regjistrimit.

NENI 3 OBJEKTI

- 3.1 Objekti i aktivitetit të kësaj shoqërie është:

Financimi, projektimi, ndertimi, venia ne pune, administrimi, mirembajtja e hidrocentralit Blac, dhe transferimi i tij nga Koncesionari tek Autoriteti Kontraktues ne perfundim te afatit te Kontrates se Koncesionit

NENI 4 SELIA

- 4.1 Selia e shoqërisë ndodhet në adresën: **Lagja nr 1, Pallati nr 4, kt 1, ZK 3224 nr pasurisë 2/117, Rrëshen, Shqipëri.**



NENI 5 KOHEZGJATJA

- 5.1 Shoqëria ka një kohëzgjatje prej 35 (tridhjetë e pesë) vjetësh. Ajo mund të përfundojë veprimtarinë përpara këtij afati në rastet e prishjes, falimentimit ose të likuidimit të shoqërisë, të parashikuara këto në legjislacionin tregtar shqiptar në fuqi.

KAPITULLI II KAPITALI THEMELTAR DHE KUOTAT

NENI 6 KAPITALI THEMELTAR

- 6.1 Kapitali themeltar i shoqërisë është 100,000 (njqind mijë) Lekë. Çdo kuotë njësi jep të drejtën e një vote. Kapitali themeltar i shoqërisë nënshkruhet tërësisht dhe po ashtu është shlyer nga Ortakët.
- 6.2 Pjesët e kapitalit të shoqërisë zotërohen nga Ortakët, si më poshtë vijon:
- **Ortaku “Preng Bib Perkeqi” SHPK**, zotëron 1 kuote me vlere 98.000 (nentedhjetë e tete mije) leke qe perfaqeson 98% të kapitalit themeltar.
 - **Ortaku “MALVINI” SHPK**, zotëron 1 (një) kuote me vlere 2000 (dy mije) leke qe përfaqëson 2% (dy përqind) të kapitalit themeltar.



NENI 7
TRANSFERIMI I Pjesëve të Kapitalit Themeltar

- 7.1 Pjesët e kapitalit themeltar mund të transferohen vetëm me akt noterial, nëpërmjet:
- a) shitblerjes;
 - b) trashëgimisë;
 - c) dhurimit;
 - d) çdo mënyre tjetër të parashikuar me ligj.
- 7.2 Pjesët e kapitalit themeltar janë lirisht të transferueshme ndërmjet ortakëve.
- 7.3 Pjesët e kapitalit mund t'u transferohen edhe të tretëve, por pasi të jetë ushtruar dhe refuzuar e drejta e parablerjes nga ortakët e shoqërisë dhe këta të kenë hequr dorë shprehimisht nga kjo e drejtë. Në rastin e transferimit të pjesëve të kapitalit tek të tretët duhet marrë paraprakisht miratimi nga Autoriteti Kontraktues, siç parashikohet në Kontratën e Koncesionit të përmendur në nenin 2 të këtij Statuti.

NENI 8
ZMADHIMI/ZVOGËLIMI I Kapitalit Themeltar

- 8.1 Ortakët nuk kufizohen në rritjen e kapitalit themeltar. Zvogëlimi i kapitalit themeltar bëhet nga Ortakët deri në kufijtë e parashikuar nga ligji.
- 8.2 Raporti i zmadhimit ose zvogëlimit të kapitalit miratohet në mënyrë të shprehur nga shumica e ortakëve që përfaqësojnë të paktën $\frac{3}{4}$ e pjesëve të kapitalit themeltar.


KAPITULLI III
ORGANET DREJTUESE TË SHOQËRISË DHE KOMPETENCAT E TYRE

NENI 9
ORGANET DREJTUESE

- 9.1 Organet drejtuese të shoqërisë janë:
- Asambleja e Përgjithshme
 - Administratori.

NENI 10
ASAMBLEJA E PËRGJITHSHME, KOMPETENCAT E SAJ

- 10.1 Asambleja e Përgjithshme është organi më i lartë drejtues i shoqërisë.



10.2 Asambleja e Përgjithshme drejton veprimtarinë e shoqërisë nëpërmjet marrjes së vendimeve. Vendimet që mund të marrë Asambleja e Përgjithshme përfshijnë kryesisht vendime për:

- Përcaktimin e politikave tregtare të Shoqërisë;
- Ndryshimet në Statut;
- Rritjen ose zvogëlimin e kapitalit themeltar të shoqërisë;
- Shitjen, transferimin dhe anulimin e kuotave të kapitalit themeltar;
- Emërimin dhe shkarkimin e administratorëve;
- Emërimin dhe shkarkimin e Ekspertit kontabël dhe të likuidatorëve si dhe caktimin e shpërblimit të tyre.
- Mbikëqyrjen e zbatimit të politikave tregtare nga administratorët, duke përfshirë edhe përgatitjen e pasqyrave financiare dhe të raporteve të ecurisë së veprimtarisë;
- Miratimin e pasqyrave financiare dhe të raporteve të ecurisë së veprimtarisë;
- Riorganizimin dhe prishjen e shoqërisë;
- Lëshimin e certifikatës së aftësisë pagues të shoqërisë;
- Miratimin e rregullave procedurale të mbledhjeve të asamblesë;

NENI 11

THIRRJA DHE ZHVILLIMI I MBLEDHJEVE

- 11.1** Asambleja e Përgjithshme mund të thirret në çdo kohë nga Administratori ose një apo disa ortakë që përfaqësojnë të paktën 5% (pesë përqind) të pjesëve të kapitalit themeltar. Mbledhja e zakonshme e Asamblesë së përgjithshme thirret të paktën 1 (një) herë në vit, brenda 6 (gjastë) muajve nga mbyllja e vitit financiar për miratimin e bilancit, të raportit të Administratorit, ekspertit kontabël si dhe inventarit.
- 11.2** Mbledhjet zhvillohen në selinë e shoqërisë ose në çdo vend tjetër të njoftuar nga Administratori.
- 11.3** Njoftimi kryhet me shkrim ose me postë elektronike jo më vonë se 7 (shtatë) ditë përpara datës së zhvillimit të mbledhjes dhe përmban datën, vendin, orën dhe rendin e ditës së mbledhjes.

NENI 12

MARRJA E VENDIMEVE

- 12.1** Asambleja e Përgjithshme, në rastin e marrjes së vendimeve që kërkojnë një shumicë të zakonshme, mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% (tridhjetë përqind) të kuotave.
- 12.2** Vendimet e Asamblesë, për të cilat kërkohet një shumicë e kualifikuar, sipas përcaktimit të nenit 12, pika 3, të këtij Statuti, janë të vlefshme nëse janë të pranishëm në mbledhje ortakët që zotërojnë më shumë se 50% (pesëdhjetë përqind) të numrit total të votave.
- 12.3** Asambleja e Përgjithshme vendos me $\frac{3}{4}$ e votave të ortakëve pjesëmarrës për ndryshimin e statutit, zmadhimin ose zvogëlimin e kapitalit, shpërndarjes së fitimeve, riorganizimin dhe prishjen e shoqërisë.



- 12.4 Nëse Asambleja nuk mund të mbledhet për shkak të mungesës së kuorumit të përmendur në nenin 12, pikat 1 dhe 2 të këtij Statuti, Asambleja do të mbledhet përsëri jo më vonë se 30 ditë, me të njëjtin rend dite.
- 12.5 Të gjitha vendimet e Asamblesë së Përgjithshme duhet të regjistrohen në procesverbal. Administratori përgjigjet për ruajtjen e kopjeve të procesverbaleve të mbledhjeve të Asamblesë së Përgjithshme. Procesverbali nënshkruhet nga kryetari dhe mbajtësi i procesverbalit.

NENI 13 ADMINISTRATORI, TË DREJTAT DHE DETYRIMET E TIJ

13.1 Administratori është organi ekzekutiv i shoqërisë.

13.2 Z. Përparim Përkeqi, shtetas shqiptar, lindur me 14/06/1969 ne Kurbnesh, Mirdite, banues ne Rrëshen, mbajtës i pasaportës me numër personal G90614027M dhe nr pasaporte BA9625630, madhor, me zotësi te plote juridike per te vepruar;

13.3 Administratori ka të drejtë e detyrohet:

- Të kryejë të gjitha veprimet e administrimit të veprimtarisë tregtare shoqërisë, duke zbatuar politikat tregtare, të vendosura nga Asambleja e Përgjithshme;
- Të përfaqësojë shoqërinë tregtare në marrëdhëniet me të tretët personalisht ose duke caktuar zëvendësues;
- Të kujdeset për mbajtjen e saktë dhe të rregullt të dokumenteve dhe librave kontabël të shoqërisë;
- Të përgatisë dhe të nënshkruajë bilancin vjetor, bilancin e konsoliduar dhe raportin e ecurisë së veprimtarisë;
- Të krijojë një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë;
- Të kryejë regjistrimet dhe të dërgojë të dhënat e detyrueshme të shoqërisë, sipas parashikimeve të ligjit "Për Qendrën Kombëtare të Regjistrimit";
- Të raportojë para Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë.

13.4 Administratori emërohet për një periudhë 5 vjeçare me të drejtë ripërtëritjeje.

KAPITULLI IV VITI FINANCIAR, BILANCI DHE FITIMET

NENI 14 VITI FINANCIAR

14.1 Viti financiar i shoqërisë përputhet me vitin kalendarik, duke filluar më 1 Janar dhe mbaron më 31 Dhjetor.



- 14.2 Si përjashtim, viti i parë i veprimtarisë së shoqërisë do të fillojë nga dita e regjistrimit të shoqërisë pranë Qendrës Kombëtare të Regjistrimit dhe përfundon më 31 Dhjetor 2013.
- 14.3 Shoqëria përgjigjet për kontributin fiskal, afatet e derdhjes së tij, sigurimet shoqërore etj. Ajo ka të drejtë të çelë llogari likuiduese pranë bankave dhe të kryejë veprime likuiduese me to, brenda dhe jashtë vendit.
- 14.4 Llogaritë vjetore, inventarët, raportet mbi operacionet e vitit financiar miratohen nga Asambleja e Ortakëve të shoqërisë.
- 14.5 Miratimi i dokumenteve që lidhen me vitin financiar duhet të bëhet brenda 6 (gjashtë) muajve që nga fundi i vitit financiar.

NENI 15 BILANCI. MBAJTJA E KONTABILITETIT

- 15.1 Bilanci vjetor i shoqërisë duhet të hartohet për t'iu paraqitur organeve tatimore deri në fund të muajit Mars të vitit pasardhës.
- 15.2 Kontabiliteti mbahet në gjuhën dhe në monedhën shqiptare. Shoqëria mund të ketë edhe llogari të veçanta në valutë të cilat do të konvertohen çdo muaj në monedhën shqiptare.
- 15.3 Pas shlyerjes së detyrimeve fiskale ndaj shtetit, fitimi neto mund të përdoret për zgjerimin e aktivitetit, për rritjen e kapitalit të shoqërisë ose i shpërndahet ortakëve sipas kuotave të zotëruara.

NENI 16 FITIMET

- 16.1 Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë, në raport me kuotat që ata zotërojnë.
- 16.2 Të ardhurat që do të rezultojnë deri në fund të mbylljes së çdo viti ushtrimor, mund të ndahen ndërmjet ortakëve në raport me pjesët që ata zotërojnë në kapitalin e shoqërisë, vetëm nëse:
- Aktivet e shoqërisë mbulojnë tërësisht detyrimet e saj;
 - Shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

KAPITULLI V PRISHJA DHE LIKUIDIMI I SHOQËRISË. ZGJIDHJA E MOSMARRËVESHJEVE

NENI 17 PRISHJA E SHOQËRISË

- 17.1 Shoqëria prishet:



- në përfundim të afatit të parashikuar nga Statuti;
- me vendim të Asamblesë së Përgjithshme;
- me hapjen e procedurave të falimentimit;
- me vendim të gjykatës.

- 17.2 Administratori do të regjistrojë vendimin për prishjen e shoqërisë, pranë Qendrës Kombëtare të Regjistrimit, në përputhje me nenin 43 të ligjit nr. 9723, datë 03.05.2007 "Për Qendrën Tregtare të Regjistrimit". Në rast se prishja e shoqërisë bëhet me vendim gjykate, gjykata ia njofton vendimin Qendrës Kombëtare për Regjistrim.

NENI 18 LIKUIDIMI I SHOQËRISË

- 18.1 Në rast prishjeje shoqëria duhet të likuidohet.
- 18.2 Për të administruar këtë procedurë, Asambleja e Ortakëve emëron një ose më shumë likuidatorë, të cilët paraqesin raporte përfundimtare mbi gjendjen e aktivitetit dhe pasivitetit të shoqërisë, mbi operacionet e likuidimit dhe mbi kohën e nevojshme për të përfunduar likuidimin.
- 18.3 Me përfundimin e procedurës së likuidimit, Asambleja vendos mbi bilancin financiar përfundimtar, mbi punën e kryer nga likuiduesit dhe mbi përfundimin e procesit të likuidimit.
- 18.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit Ortakëve të shoqërisë, në proporcion me kuotat e kapitalit të zotëruara prej tyre.
- 18.5 Likuidatori/ët njoftojnë Qendrën Kombëtare të Regjistrimit për përfundimin e procesit të likuidimit duke kërkuar çregjistrimin e shoqërisë në përputhje me parashikimet e ligjit "Për Qendrën Kombëtare të Regjistrimit".

NENI 19 ZGJIDHJA E MOSMARRËVESHJEVE

- 19.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij Statuti, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 19.2 Në rast se nuk arrihet në një zgjidhje të mosmarrëveshjeve me mirëkuptim, ato do t'i drejtohen Gjykatës së Rrethit Gjyqësor, Tiranë.

KAPITULLI VI DISPOZITA PËRFUNDIMTARE

NENI 20

- 20.1 Ky statut është hartuar në përputhje me:




i) ligjin Nr. 125/2013 "Per KONCESIONET DHE PARTNERITETIN PUBLIK PRIVAT", dhe akteve ligjore te dala ne zbatim te tij, si dhe njoftimit te fituesit ne proceduren konkuruese me Nr. Ref-74313-12-04-2014 "Per dhenien me koncesion te hidrocentralit Blac", te zhvilluar nga Ministria e Energjise dhe Industrise ne cilësinë e Autoritetit Kontraktues.

ii) Ligjin Nr.9901, datë 14.04.2008 "Për Tregtarët dhe Shoqëritë Tregtare";

iii) Ligjin Nr. 9723, datë 03/05/2007 "Për Qendrën Kombëtare të Regjistrimit".

20.2 Për çështje që nuk janë shprehur plotësisht në këtë Statut, shoqëria i referohet Ligjit Nr. 9901, datë 14.04.2008 "Për Tregtarët dhe Shoqëritë Tregtare".

20.3 Ky Statut, përbëhet nga 20 nene dhe u redaktua në 5 kopje identike në gjuhën shqipe, duke patur të gjitha fuqi të njëjtë ligjore.

ORTAKËT

"PRENG BIB PERKEQI" SH.P.K.

Përparim Përkeqi



"MALVINI" SH.P.K.

Pashk Paloka

